

Wolf - Rosenstein

I.

Assatz es or? oimai q?eu chant
tant ai estat acondurmitz
c?anc mos chanz non fon lueing auzitz;
mas era·m vau ja reveilhant,
et irei mon joi recobran
contre l?ivern e·l freig aurei.

II.

De joi no·m cal [fugir] enan,
c?anc un sol jorn no·n fui garnitz;
et es m?al cor prion sorzitz,
si q?entre gens vau sospiran
lo dezirier c?ai d?amor gran;
ni dorm ni veil, ni aug ni vei.

III.

S?anc per amor anei veilhan,
ni·n fui anc fols ni trassailitz,
ni cambiatz per chamjaritz,
era·n lau Dieu e Saint Joan,
c?ab tal amor vau amoran
c?anc non chamjec per autre mei.

IV.

Cesta non cug qe ja m'[engan],
s?ieu ja de leis no soi garnitz;
ni no·n soi tant afolatitz
qe ja re·il qeira ni·l deman,
petit ni pro, ni tan ni qant,
ni mal ni be, ni re ni qei.

V.

Tant la sei coinda e prezan,
e·l faigz de leis es tant eslitz,
qe sai me tenc per enreqitz,
e lai [serai en] son coman
la nued e·l jorn e·l mes e l?an,
c?aissi soi sieus con esser dei.

VI.

Plas es lo vers, vauc l?afinan
ses mot vila, fals, apostitz;

et es totz enaissi noiritz
c?ap motz politz lo vau uzan;
e tot ades va·s meilluran
s?es qi be·l chant ni be·l desplei.

- letto 655 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/wolf-rosenstein-4>